

DE BIRK

Magdalena Kirfel

Net we-it vom Maat
doch kaum jewahrt
se-it Joare steit en Birk.

Ous Blaas on Holz
de Kruun kick stolz.
Huh schwank em Wend die Birk.

De Stamm schniewe-iß
en Selevestrei-if
em Sonnelich, die Birk!

De Aanbleck schön
vom We-iß on Jrön
jet Extras äs die Birk!

Jebout dann wue
hänne on füe,
rondöm vebout die Birk.

„Net Sonnestrohl,
net Wend addemol“
beklaach en Nuut die Birk.

De Wuezel drüsch,
am Zweich kein Fröch.
Wat wied nou ous dea Birk?

Et Fröhjoa ko-m,
dat Schicksal nohm
de Lauf dea kranke Birk.

Jewaat - jehoff -
jewönsch och off
dat Levve en die Birk.

Se schlo-ch net ous,
et wue nix dro-us.
Jedoldech steit die Birk.

Se-itdem kein Fink
seng Leed dren sink
zom Abschied von de Birk.

De Äss jesenk.
Manecheine denk:
„Mie Troweid als Birk“

Ste-it se em Wech?
Baal kütt de Sääch.
Schad öm die schöne Birk!